



Tužilaštvo/Tužiteljstvo Brčko distrikta Bosne i Hercegovine  
Тужилаштво Брчко дистрикта Босне и Херцеговине  
Prosecutor's Office of the Brcko District of Bosnia and Herzegovina

<http://jt-brckodistriktbih.pravosudje.ba>



Trg pravde 10, 76100 Brčko distrikt Bosne i Hercegovine; web: [jt-brckodistriktbih.pravosudje.ba](http://jt-brckodistriktbih.pravosudje.ba); tel: 049/217-227; faks: 049/219-088; e-pošta: [jtbd@jtbd.ba](mailto:jtbd@jtbd.ba)  
Трг правде 10, 76100 Брчко дистрикт Босне и Херцеговине; web: [jt-brckodistriktbih.pravosudje.ba](http://jt-brckodistriktbih.pravosudje.ba); тел: 049/217-227; факс: 049/219-088; е-пошта: [jtbd@jtbd.ba](mailto:jtbd@jtbd.ba)

## SAOPĆENJE ZA JAVNOST

### **Nakon sporazuma// Jasminu Kantiću godina i dva mjeseca zatvora za teške krađe Osuđen za seriju od petnaest teških krađa u Maoči, G. Rahiću i okolnim mjestima**

Tužilaštvo Brčko distrikta BiH okončalo je postupak protiv Jasmina Kantića (28) optuženog da je od početka godine izvršio seriju od petnaest teških krađa u južnom dijelu Distrikta. Zbog izvršenih provala u stambene i poslovne objekte u Maoči, G. Rahiću i okolnim naseljenim mjestima, on je pravosnažno osuđen na kaznu zatvora od jedne godine i dva mjeseca.

Tužilaštvo Distrikta optužilo je Kantića da je od 5. januara do 29. septembra u Maoči, G. Rahiću i okolnim naseljenim mjestima počinio seriju od petnaest teških krađa. Njemu je stavljeno na teret da je, s ciljem pribavljanja protivpravne imovinske koristi, provaljivao u stambene, pomoćne i ugostiteljske objekte, te vikendice, odakle je oduzimao kućanske aparate, alat i slične predmete. Tokom postupka prema optuženom utvrđeno je da je krivičnim djelom teške krađe (*iz člana 281 stav (1) tačka 1) Krivičnog zakona Brčko distrikta BiH*) vlasnicima objekata u južnom dijelu Distrikta pričinio štetu od preko 2 500, 00 KM.

Pošto je otkriven i prije dvadeset dana lišen slobode, Kantić je predat Tužilaštvu Distrikta, gdje je odmah ispitan u svojstvu osumnjičenog. Zbog opasnosti od ponavljanja krivičnog djela, njemu je po prijedlogu ovog tužilaštva određen pritvor u trajanju od jednog mjeseca. Tokom pritvora, Tužilaštvo je okončalo istragu, podiglo optužnicu i s optuženim zaključilo sporazum, kojim mu je odmjerilo kaznu u skladu sa sudskom kaznenom politikom. Postupak je danas pravosnažno okončan prihvatanjem sporazuma o priznanju krivice i od Osnovnog suda Distrikta i izricanjem kazne počiniocu.

**GLAVNI TUŽILAC**

**ZEKERIJA MUJKANović**